



道光庚子年鑄

火龍經

袖石軒藏版



火龍經序



昔黃帝有涿鹿之戰而風后為之師神禹有二苗之征  
伯益為之師成湯有鳴條之戰而伊尹為之師武王有牧  
野之伐而呂望為之師此兵法所由起也然同力以德勝  
同德以義勝上應天命下順人心而已一降而春秋五霸  
有專征再降而戰國七雄有並爭糜爛其民殆無壺日未  
聞有火攻之詳也繼而漢高奮泗上以張良為師以韓信  
彭越為將誅感項羽而成帝業光武起昆陽以鄧禹為師  
以耿弇祭遵為將滅莽中興而復炎祚亦未聞有火攻之

火龍經序

秘也世至三國而謀臣戰將紛然傑出曹操以奸權之姿  
而控據中原孫權藉父兄之業而坐鎮江東天下莫強焉  
時惟諸葛孔明躬耕南陽不求聞達遇異人秘授火攻陣  
法感先主三顧之恩勤鞠躬後已之力燒屯於博望鏖兵  
於赤壁火焚籐甲攻長坂而出祁山三分天下百戰百勝  
愈出愈奇曹操為之喪胆孫權為之奪魄火攻之法至孔  
明而盡善矣至若埋地雷於葫蘆谷內非天雨大降則司  
馬氏之父子必為火中之煨燼矣使人心不盡忘漢天命  
不限三分則席捲長驅而成一統之業不猶運於掌乎當

時若無孔明之火攻雖有關張趙雲之名將吳魏之勢較之未必畏蜀如虎也是故兵家之無敵也莫善於火攻水攻然水攻順逆江湖河海始可壅激而為之識地利者獨長趨避惟火攻之法戰有戰器埋有埋器攻有攻器守有守器陸有陸器水有水器城有城器冲鋒破敵者火猛而器遠劫營亂陣者火連而器利守城安寨者火烈而器重從空而飛者以應地雷埋地而擊者以應地雷伏水而發者以應水雷持兵而戰者以應地雷雷以火為威火以風為勢明用乘機而動暗伏則刻期而發毫釐有差則社稷

火龍經序

二

之安危所關三軍之存亡攸係火攻之法豈可易言哉予少也涉獵儒書窮研將畧退則思樂顏子之清貧進則思效武侯之神智遨遊四海叅訪有道一日遊天台上清玉華洞天過一道士黃冠元服碧眼蒼髯吟舞松下予前揖之飄飄然真神仙丰度也予拂石共坐叩其中蘊文師孔孟武用孫吳上窮星宿下辯山川予拜稽首請以師禮事之後遊四方三年自號止止道人終不言其姓氏一日遊武夷昇真元化洞天顧予而言曰我昔年十二應童子科後叅元道無意於功名久矣但我師秘授一書用之上則

忠君報國下則輔世安民中則立身行道吾不忍秘願授  
於子當今天地否塞帝心厭亂不數年聖天子起於淮甸  
汝往輔之懋建元功汝無負吾所囑子再拜展視之乃火  
攻陣法一篇越三日相送出山叮嚀與別行未百步回首  
瞻望但見雲烟縹緲林木掩映不知其所之也至正十五  
年乙未我聖祖高皇帝起兵和州渡江取采石太平是時  
韓林兒韓山童據亳州汴梁陳友諒據湖廣劉益踞遼陽  
張士誠據浙西毛貴據山左方國珍據浙東王明據四川  
陳友定據福建李思齊據廣東僭偽瓜分盜賊蜂起子按

火龍經序

三

師法鑄火龍鎗數十件上獻我朝命大將軍徐達試之勢  
若飛龍洞透層革我太祖閱而喜曰此鎗取天下如反掌  
功成當封汝無敵大將軍由是一征而取荆襄再征而平  
江浙三征而閩海率從四征而席捲全齊五征而定友諒  
遂取秦晉舉燕趙胡元北走定鼎金陵六合一統四夷來  
朝以開萬年無疆之業於京城立火藥局以製法葯立內  
庫以藏神器立神機營以操戰陣聖祖之重兵事也如此  
然特一鎗之制未盡仙傳之妙用神功英武萬世太平而  
安不忘危寔保治之道予恐久而失之按圖著譜留遺將

門韜畧之士盡忠於國則為朝廷折衝之臣庶知仙傳之妙不可測祖宗之遇甚不易也噫慎毋如趙括徒讀父書曷哉永樂十年東寧伯焦玉序

青田伯溫劉先生曰止止道人言葛長庚或云白玉蟾也瓊山人山人十二歲舉童子科諸子百家五經列史無不貫徹為文武全才隱武夷山止止庵成仙

火龍經序



山入內八十二歲舉童子科諸子百家五經列史無不貫徹為文武全才隱武夷山止止庵成仙

火龍經上卷目錄

火攻

風候

器利

兵戒

正料藥品

萬應神火藥配訣

烈火藥配訣

爛火藥配訣

火龍經上

逆風火藥配訣

火種法

信藥方

火銃藥方

大炮藥方

夜起火藥方

噴火藥方

流星發藥方

回火藥方

地利

藥法

要則四

副料藥品

毒火藥配訣

飛火藥配訣

法火藥配訣

一

鑽穴飛砂神霧

提硝法

火炮藥方

鳥銃藥方

小爆藥方

日起火藥方

流星藥餅子

煮毒藥彈方

噴筒發藥方

毒火噴筒藥方

神機火箭藥方

火彈方

走線方

又火箭藥方

追魂霧方

三火台一方

鉛火藥方

鉛銃火藥方

解毒聖藥方

解中毒藥箭方

青烟方

白烟方

紅烟方

紫烟方

黑烟方

乾點燈方

風前燭方

火龍經上

風雨不滅燈方

暗傳書方

制虎藥方

燠虎藥方

起火藥方

辟穀絕食方

治箭頭不出神方

金鎗藥方

金鎗血不止方

煮衣方

制物避火方

墮水墻壓死方

墮牛馬腹凝死血并鼻衄不止方

竹鳥銃藥方

火攻風候

火攻之法以風為勢風猛則火烈火熾則風生風火相搏

斯能取勝故為將者當知風候以月行之度準之月行於

箕在天十度軫在天十度張在天十度翼在天十度四星則不出三

日必有大風數日方止仰觀星宿光搖不定亦不出三日

必有大風日終而止黑雲夜蔽斗口風雨交作雲自北方

起者風大黑雲飛塞天河大風數日雲如猪形者各曰天豕渡河月暈

而青色數圍心風無雨青主風黑主雨日沒黑雲相接來朝風作

風來十里揚塵動葉風來百里吹沙飄瓦風來千里力能

火龍經上

走石風行萬里力能拔木知風之時而善用之斯萬戰而

萬勝矣

火攻地利

火攻之法上順天時下因地利曠野平原遠擊者勝用遠器擊

之先挫叢林隘道夾擊者勝用利器夾擊漫坡盤谷埋擊

者勝先埋神器俟賊入套而發長江大河迎擊者勝迎法器順風堯高

擊下勢順用重器猛火以壓之如山上城上等以下擊上

者勢逆用銳器烈火以噴之如山下城下等以風勢為動彼此皆有火

卒然而過不及成陣者勢易亂用遠器先擊者勝彼此俱用火攻

陣未成而戰來難免俱  
傳故用遠器先擊必勝彼此皆扎營寨欲劫輜糧先觀伏  
路其勢易疑用號器四擊者勝乘風高月黑之夜先觀伏  
路埋伏精兵勝則掩殺敗  
欲應援使細作入營舉火四面炮石次之各以號頭為  
約號响則火發而兵起四擊使賊不敢出而自相殺戮也  
城中擊外當攻其堅擇堅處用神器攻之  
堅處一破則圍自解城外擊內當攻  
其瑕擇瑕處用神器攻之  
其瑕一開乘機而入水戰必隨上風火隨風勢風順  
則火易烈攻其  
上用利器於烟陣先用法大烟為陣塞江中撲彼眼目使  
彼一物不可見一技不能施破之必矣  
蓬帆必以葯制使不染沾風烟水戰與陸戰不同四面波  
濤無奔路用法葯制蓬  
帆不沾火葯則此求戰長策也苟不辨地理而用之不得  
方保无虞矣  
宜者未有不捨器而走徒資寇敵也

火龍經上

火攻器利

火攻之法有戰器有埋器有攻器有守器有陸器有水器  
種種不同用之貴合宜必無有不勝其戰器利於輕捷則  
兵不疲力而銳氣常充輕則利於擊  
刺使於手持其攻器利於機巧則  
兵可奮勇而移動不常機巧則便於攻  
打而兵可移其埋器利於爆擊  
易碎火烈而烟猛用火炒水銀麻子油和神火葯藏於炮  
中則炮如豆粒和飛葯擊賊透骨傷重  
其守器利於遠擊齊飛火長而氣毒巴豆末硫磺神砂和  
飛火葯藏於中以弩  
發之賊多着炮  
毒立時而斃矣其陸器利於遠近長短相間疊出分為陣  
號某陣某將聞某號而出某陣某將火炮火箭火銃火彈  
弩聞某號而入則兵力不疲於戰

此遠器長器也則與長鎗大刀相間鎗刀用交鋒火鎗火刀火

障火棍此近器也短器也則與強弓硬弩相間弓弩用選

以精兵陳以陣法利器精兵陣法三者不可缺一有缺則非萬全器貴利而不

貴重兵貴精而不貴多將貴謀而不貴勇良將一員火兵

三千可抵強兵四十萬可以無敵於天下矣若水戰之具

與陸戰不同冲鋒則主於迎頭直擊如發礮狼機是也掩襲則主

截中夾擊如神鎗火銃是也亂陣則主於燒染蓬帆如火箭火毬是也殿

後則主於多設矢石如火炮神弩是也將得其人而隨機以應變

則無不勝者

火龍經上

火攻葯法

火攻之葯硝硫為之君火炭以為臣諸毒法為之佐諸氣

葯為之使然必知葯之宜斯得火攻之妙硝性直直發者

主磺性主橫磺發者以橫為主炭性主火火各不同以炭為主有楊炭柳炭杉木炭節炭

異性直者主遠擊硝九而磺一性橫者主爆擊硝七而磺

三青楊為炭其性最銳枯杉為炭其性緩箬葉為炭其性

尤燥雄黃氣高而火焰神火以雄黃為君石黃氣猛而火烈法以石

黃為砒黃氣臭而火毒毒火以堅砒為君金水柳尿銀銃尿砒砂

炒制鉄磁鋒着人則傾爛見骨爛火藥內用之牙皂姜霜椒末配

合飛沙神霧着人則立瞎雙睛飛火葯內用之草烏巴豆雷藤可

加水馬虎葯中人飲冷水即鮮加水馬見水愈甚毒箭葯火龍鎗着人則見血

封喉箭火鎗上用江子常山半夏畧和川連造製噴筒葯

確着人則禁唇不語噴火葯內用之桐油豆粉松香用制焚糧

劫偷取火葯內用之人精鉄汁巴油用破革車皮帳鎔化錫鉛或

化傾下草車皮帳攻城用此鎔化傾燒沸傾注城下直透重草狼糞烟晝黑夜紅通傳警

報江豚炭逆風愈勁力顯神奇凡火葯順風則發逆風則

為風愈逆他如猛火油出占城國得水愈熾可燒濕物丸以魚

脂出婆羅國見風漫爆無可遮攔固皆難得之物而為將者又

火龍經上

不可以不知也

### 火攻兵戒

火攻之法用無不勝勢莫能當固不可輕用亦不可妄用

也且兵家之要上順天時下得地利中應人和三才通備

而為將者又能知己知彼以仁為心法以義為軍聲以明

為賞罰以信為紀律因時而制宜設奇而料敵凡遇古先

帝王陵寢聖賢祠宇都邑郡居里巷輻輳而火攻之則非

崇道仁民之心戒之一也前阻茂林進無所據後背水澤

退無奔路逼己營寨軍陣未列凡遇此地用火攻之恐速

火及已戒之二也風候未定地利未得反風滅火禍莫大焉火攻之法先據地險次候風信戒之三也彼兵半欲歸降未得其間乘風縱火玉石俱焚戒之四也內有驍智之將圖為己有必設計以生擒戒之五也彼兵已降心尚疑叛從而坑之以失士心如白起坑趙卒不仁莫甚焉戒之六也散敗之賊擄掠吾民以張其勢必思竒策拔脫民命不脫其民而遽用火攻之謂之不智不仁戒之七也萌芽方長鱗蟲始蟄赤地焚燒戕生甚衆戒之八也遵此八者而雲飛鳥集鬼神莫測其機電掣雷轟造化莫窺其妙上

火龍經上

五

輔天子安邦定國下為黎庶滅寇平夷礪山帶河封侯拜將著勲烈於廊廟垂功名於竹帛豈止萬人敵而已哉將與諸葛孔明匹休而並譽也陳神鎗彈銃發鏹狼機四器已傳於老不錄今所製火龍神器數十件皆古韜畧武經籌書未載此聖賢心法相傳變化無窮以輔國安民天鑒在上不可輕洩務設雷師風伯歷代軍師名將名山大川裡祀神位虔告享祭祝以不得之情申以救民除暴之旨方可用也蓋天地好生人命當重用之者戒而慎之哉

一用火葯火葯以毒為主或借車馬以發之或用母炮以送之或埋藏地底水底欺其不知而神出之其轉變之機在將臨時運用以虛為實因其情設其巧耳若泥於書上之成法而無變通之元機則不可以語此書之奧也

其二

一器之體用名多不同而法製相去大約不遠不過詭其名以異人耳然有此用之神彼用之拙者先用之效後用之不效者非法葯不備則製度未精豈器之罪哉夫料不脩徒勞心力製不精空費神思故必精虔其製而曲脩其

火龍經上

六

料始足以善其法云

其三

一製葯之精只在兌得分數明配得炭黃準晒得法物乾碾得葯料細夫葯成而試之可於手掌心貯火葯火其葯而掌心不熱為佳再於石上試葯五寸一堆重一兩以二十聚為方火一堆而各堆齊燃燃盡而石止有青氣地下無黑白葯渣點痕者其葯始為有用如掌心燒熱石上有黑白渣皆硝提未盡葯碾未細烘焙未乾也葯料不乾不細炸炮閉門皆由於此為害不可勝言用者必精詳其制

而專心造焉殆庶幾耳至於鳥銃為火箭為諸送藥發藥  
更要極細仍用滾水淘過者始能陞高及遠也念之  
之

其四

一是書遍採羣書精選諸品有機括不明運用無濟者一  
概刪去

火攻正料藥品

硝火主直 硫黃主橫 雄黃毒火 石黃發火 雌黃神火 箬葉

灰主爆 柳木灰主直 杉木灰主銳 葫蘆灰主烈 樺皮灰主

火龍經土

銳 蔴楷灰無聲 蜀葵楷灰不畏

火攻副料藥品

桃花砒紅色 鉄脚砒黑色 礪腦砒五色 辰砂砲 潮腦陰火

水銀砲 乾漆火 番木鱉 巴豆油毒烟 江豚油毒 麻油

桐油燒 金汁爛 宣姜一名朝孫姜 天麻子油砲 蒜汁爛 狼毒熱

芫花大 附子熱 天雄熱 甘遂逆 常山嘔 南星 川黃利

關羊花泛毒 姜粉即良牙皂 兜黎蘆毒 川烏毒 草烏關 鈎

吻斷 大戟毒 商陸 巴霜毒 礪灰逆 人精毒 半夏毒 玳瑁毒

狼糞風 蜈蚣毒 雷丸草 江豚皮骨逆 蝰蛇毒 蝦蟆毒

竹黃<sup>毒</sup> 大蓼<sup>毒</sup> 小蓼<sup>毒</sup> 雷公藤 獠牙皂箭草 鐵腳蓮

胡辛<sup>毒</sup> 不灰木末 羊躑躅 紫玉簪 艾朮 銀杏

葉灰 爛骨草<sup>爛</sup> 鬼汜草<sup>毒</sup> 墨汜草<sup>毒</sup> 蛇番不食草 埋

蛇草<sup>毒</sup> 蘆花草<sup>火</sup> 葭荏草<sup>毒</sup> 將軍草 巴豆 虺蛇<sup>毒</sup> 銀

鈇<sup>爛</sup> 葡花草 破血草<sup>血</sup> 封喉草<sup>毒</sup> 斷腸草<sup>斷</sup>

右藥正副八十三種製煉各火照訣配合自足收功差

之毫釐謬以千里專將聞者當熟玩焉

萬應神火藥配合訣歌

神火燒營第壹方 石黃壹味最難當 燒酒拌來麻油

火龍經上 八

炒 足用叁斤性太剛 加上雌黃雄並黑信 蘆花艾

朮共松香 豆末攪勻銀杏葉 更加乾糞與巴霜 松

香叁斤餘肆兩 叁柒均配火藥強 飛雲炮裏深藏貯

落地喧天發火光 吐霧噴烟紅滿寨 個個賊兵盡

着傷 破陣冲鋒真利害 喜燒衣甲及韜糧

石黃 叁斤 雄黃肆兩 雌黃肆兩 黑砒肆兩 蘆花肆兩 艾

朮肆兩 松香叁斤 豆末肆兩 乾糞肆兩 巴霜肆兩 硝火

肆拾 兩 銀杏葉灰肆兩 硫黃叁兩 箬灰式兩 柳灰伍兩

配用之法硝硫炭藥玖分則用各毒藥叁分壹層硝硫

發藥壹層毒藥在人妙用加減配合試之取效耳

毒火配藥訣歌

黑砒搗了巴油浸 毒氣冲人嘔見心 乾漆細和乾糞

炒 松香艾朮要相均 雄石式黃為君使 透徹光明

用陸斤 硫黃諸味各壹兩 肆式火藥配分明 裝入

鏡中攻打去 破敵衝鋒易殺人

鐵脚砒 式兩 乾漆 壹兩 乾糞 壹兩 松香 肆兩 艾朮 壹兩

雄黃 叁斤 石黃 叁斤 硝火 式拾兩 硫火 式兩 肆錢柳灰 式兩 肆錢班

猫 伍錢 杉灰 壹兩

火龍經上

九

每鏡火藥壹兩捌此藥叁分其性毒烈

烈火藥配訣歌

二十八宿接天曹 式拾捌味神藥苗 開天闢地安邦

國 用之鬼哭與神號 蛇埋壹味最為尊 上應天門

角木星 此物壹斤為主宰 各藥式兩助威靈 再加

蛇蝎並羣毒 共為細末要均俾 上風揚去號神砂

迷人雙眼便昏花 炮中發去號神烟 九竅須臾噴血

鮮 但得毫釐鑽鼻孔 腦漿流出命歸泉 注於溪澗

號神水 寸腸裂斷心肝碎 迎風送入賊營中 百萬

強兵一陣空

蛇埋草

按角木龍尾薑按元金龍連珠半夏按氏免頭

商陸

按房日兔狐跋藜蘆按心月狐虎牙鈎吻按尾火虎豹頭南星按

木豹搜風

按斗木獬牛頭天雄按牛金牛鼠尾羌花按虛日鼠墨記

草

按危月燕即猪牙皂角按室火猪獠牙皂按壁水獠狼牙宣姜

木狼

按奎金番木驚按婁金狗川烏按畢月烏鬼頭附子按女蝠雄頭鬼

白草

按胃月土雉斷腸草按參水猴一說雞目胡辛按昂

火桿將軍草

按背火猴雷公藤按并木犴羊躑躅按鬼金羊紅牙大戟

木倬映日雷丸草

按星日馬鹿角紫玉簪按張月鹿蛇蟠不食草

火龍經上

十

按翼火蛇即蛇夢草

魚鱗艾朮按軫小蚓松樹皮外綠衣即艾朮也

以上各式兩按二十八宿毒草外加毒藥

桃花砒

式兩礦砂半斤透巴霜壹兩班猫壹兩石黃肆兩

蜈蚣

蝻蛇煉蛇孔雀尾蝎尾各壹兩

各為細末共前藥草攪勻入炮叁柴配合用火藥柴分

發之毒藥叁分配之炮內發出甚厲

飛火藥配訣歌

蘆花合用桐油拌 密室攤乾仔細藏 一毫風日不可

見 見了之時放火光 此物拾斤不可少 更配松香

並豆黃 銀葉細羅乾糞配 更加皂末要相當 松香

叁斤各拾兩 一一分明不可忘 却用火葯叁柒配

霹靂臨風烈焰揚 燒入衣甲鑽人眼 滿面肌膚爛作

瘡 饒你賊兵屯百萬 炮響連聲一陣亡

蘆花 拾斤 松香 叁斤 豆黃 拾兩 銀杏葉灰 拾兩 皂角末

拾兩 硝火 柴兩 硫火 叁拾式 兩陸錢 箬灰 伍兩 樺皮灰 伍兩 柳

灰 伍兩 班貓式兩 石黃 肆兩

以上發火葯柒兩毒葯叁兩發葯在下毒葯在上三層

間裝應用此燒營燒船之聖葯也

### 火龍經上

土

### 爛火葯配訣歌

鐵子磁鋒莞豆粒 礮砂銀銃入中汁 速浸三朝火焙

乾 再把桐油燥炒烈 取將火葯輕輕滾 壹炮不過

式叁合 假使賊兵十萬餘 此砂裝炮叁肆拾 飛雲

打入賊兵中 霹靂壹聲天地裂 鑽入孔竅透人腸

見血封喉不可說 頃刻屍橫滿戰場 此是火攻真妙

### 訣

鐵子壹斗 磁鋒式升 礮砂壹斤 銀銃式斤 桐油拾叁人

中汁 式升 虎葯以鐵子磁砂多

寡量而用之

葯與諸發葯同此葯彈葯磁裝於銃炮葯上發去彈子  
着人手足人無不死葯彈葯磁豆粒着人其人立斃

### 法火葯配訣歌

薑皂為君足捌斤 式椒式蓼細羅成 白礪須用巴豆  
拌 礪灰燒酒製須勻 每味各加肆兩足 烏梅薑汁  
式斤均 諸味攢成和壹處 便將紙炮巧裝盛 週圍  
却把松香蘸 霹靂小炮在中心 炮響壹聲如吐霧  
衝迷鼻竅瞎人睛 眩暈昏花無可奈 噴嚏連天不絕  
聲 一物不見不能走 滿營撩亂自縱橫 揮兵一湧

### 火龍經上

十一

前追殺 個個生拿與活擒

良薑 壹斤 乾薑 壹斤 軍薑 壹斤 猴薑 壹斤 川辛 肆兩 胡

辛 肆兩 黑蓼 肆兩 赤蓼 肆兩 榆皂 肆斤 火皂 肆斤 白礪

肆兩 礪灰 肆兩 人精 肆兩 松香 肆兩 硝火 柒斤 硫火 式斤

式石黃 壹兩 雌黃 肆兩 箬灰 肆兩 樺灰 肆兩 柳灰 肆兩

烏梅 式斤

以此火葯裝炮則參朮配用發葯朮分在下毒葯參分  
在上裝火球火磚則平用發葯在週圍毒葯色在中  
逆風火葯配訣歌

狼毒多收兼艾朮 須知添入江豚骨 骨煨為灰肉煉  
油 油拌硝硫灰性烈 晒焙須當要極乾 逆風愈勁  
真竒絕 還當式捌配分明 火攻陣裏神仙訣

狼毒 艾朮 江豚骨 江豚油

以上各等分

硝火 硫火 箬灰 柳灰 班猫

以上分兩與烏銹發藥同料

此藥與火葯式捌配用能逆風之中愈吹愈熾

### 鑽穴飛砂神霧

風化灰 壹斗用大塊 走砂 壹斗 鐵脚砂 伍斤 硫黃 伍斤 南

星 式斤 半夏 式斤 細辛 式斤 甘遂 壹斤 川烏 式斤 草烏 式

### 火龍經上

壹

斤 硝砂 式斤 牙皂 拾斤 巴霜 式斤 班猫 式斤 薑粉 式斤 銅

### 青肆兩

右為細末聽用飛麵式拾斤 鍋內炒之半熟次下葯同  
炒承起聽用或藏神器內臨敵順風揚之此沙鑽入孔  
竅血湧髓流立刻昏迷倒地雙目皆瞎利害百倍或用  
鵝鴨蛋壳灌葯糊其口對面打去或城上將此裝入竹  
筒順風放去十餘里敵聞昏沉必勝之道矣

### 火種法

不灰木末 壹斤 火龍衣 叁兩 白炭末 伍兩 柳木炭末 式

印銹衣

柳木炭末 式

兩紅棗肉陸兩麩皮參兩

以上米泔水畧拌搥成餅或如彈子樣不論大小大者可種一月不熄小者亦二十餘日不熄或壹兩管一月不滅

### 提硝法

硝壹斤用水壹碗煮溶化點花椒明礬廣膠用鐵杓蕩其中則鹽自入杓內務要鹽盡硝浚為主入缸成硝方可用  
又方  
用蘿蔔搗碎入廣膠少許提之更清白而芒長也

### 火龍經土

古

### 信藥方

硝火壹兩 葫灰參錢 班猫參錢 硫火壹錢

俱碾極細末為度裝成藥線用鐵器壓之着火穿鐵而過迅速如箭者始為有用

### 火炮藥方

硝火壹兩 硫火壹錢 炭米錢 班猫壹錢 式分

### 火銃藥方

硝火壹斤 硫火式兩 石黃壹兩 黑砒參錢 雄黃伍錢 葫蘆灰伍錢

鳥銃藥方

硝火肆拾兩陸錢柳灰茄灰共柒兩

共為極細末照數兌明攪勻用木杵入水式碗舂之每料萬杵水乾則再加水舂以極細為度不論工力也

大炮藥方

硝火壹兩陸錢硫火壹錢柒分杉灰壹錢柒分

小炮藥方

硝火壹兩陸錢硫火叁錢柒分杉灰胡灰共捌錢

夜起火藥方

火龍經上

硝火壹兩陸錢硫火貳錢柒分柳灰壹兩

日起火藥方

硝火壹兩陸錢炭玖錢

噴火藥方 即噴筒蓼花鎗俱可用

硝火壹兩陸錢硫火肆錢柒分鐵砂伍錢柒分柳灰叁錢伍分

流星藥餅子

硝火拾兩陸錢硫火貳兩柒錢潮腦壹兩伍錢定粉伍錢

右用燒酒搗成餅子如鵝眼錢大厚壹分晒乾應用

流星發藥方

硝火 拾兩 柳灰 壹兩 伍錢

火酒拌碾極細為度

煮毒藥彈方

君子寶 狼毒 川烏 草烏 礪砂 升麻 麻黃

真麝香 伍錢

右藥各伍斤麻油式拾伍斤煮鉄子或鉛子壹斗以油

乾為度其毒與虎藥同

回火藥方

硝火 壹兩 硫火 伍錢 松香式錢 松杉灰 捌分

火龍經上

去

噴筒發藥方

硝火 玖拾兩 硫火 伍兩

每硝捌兩用柳灰式兩肆錢此名

緊藥也

硝火 玖拾兩 硫火 壹兩

每硝陸兩用柳灰參兩陸錢此名

慢藥也

毒火噴筒藥方

川烏 草烏 南星 半夏 狼毒 巴霜 紅砒 礪

砂 銀銑 明礬 班猫

以上每藥各式兩兌準先將火石灰式斗滾水淋汁入

煮百沸將葯共為細末入水內攪勻裝入噴筒毒不可

言

神機火箭葯方

硝火 壹兩 硫火 捌兩 柳灰 叁兩 伍 葫蘆灰 叁兩 伍 錢

火彈方

硝火 拾兩 硫火 陸兩 潮腦 壹兩 杉灰 伍錢 雄黃 壹兩 伍 錢

又方

硝火 伍拾 石黃 壹兩 潮腦 捌兩 南京定粉 伍錢 硫火 貳拾 兩

共為末用麻肆斤捶軟剪寸許長用白芨麵壹兩為糊

火龍經土

七

入臼內舂之極勻再用桐油半斤松香藿香各陸兩鍋內煎化下柳木鉛屑於鍋內攪勻傾出涼冷打如梧桐子大再用乾漆陸兩亦打如桐子大並前葯和作壹處每彈用壹兩柒錢加碎鉛屑叁錢捌模子築成彈樣晒乾噴筒竹木銃內發出燒糧草燒船蓬利器

走線方

硝火 壹兩 磺 叁分 柳灰 叁錢 伍分

又火箭葯方

硝火 壹兩 砒 壹分 柳灰 叁錢 磺 壹分 伍釐

此藥以好醋和春照烏鎗製法則近矣

追魂霧方

硝火拾兩 磺壹兩 砒貳兩 狼糞叁兩 石黃壹兩 毒蛇骨貳兩 孔雀尾壹兩

右共為細末作陸筒如南竹樣長壹尺捌葯打緊厥口用木柄臨敵上風放之遇葯烟氣六孔血流其人立殪

三火合一方

飛火毒火神火 三火合一 每火壹升 箬葫炭柳杉炭 合肆兩

硝火壹斤 硫火壹兩 硃砂叁錢 水銀叁錢

火龍經上 大

研不見星方佳

鉛火葯方

硝火肆拾 硫火陸兩 柳灰或蘆灰茄楷灰 陸兩捌錢

右各葯另研極細末照前配合分兩用水壹盞拌濕杵千遍取起晒乾如此叁次為細末用每銃用此葯叁錢伍分打遠再加伍分鉛亦可大小照葯輕重用

鉛銃火葯方

硝火肆拾 硫火叁兩 參加荷灰拾兩製法如上

右各葯製法須擇精潔之處禁止雜人依法配合此係

火龍神器不可毫釐差謬揀選能士以專其職事可也  
解毒聖藥方

明雄 捌兩 好箭砂 貳兩 將白鴿取血拌浸玖浸玖晒又

菜豆漿參浸參晒白蘿蔔汁參浸參晒靛根煎汁參浸  
參晒含木香煎汁參浸參晒研極細末用烏梅肉肆兩  
甘草半斤熬膏為丸如雞頭子大製藥時噲壹丸裝藥  
噲壹丸放藥噲壹丸則毒氣不入而施放得力矣

解中毒藥箭方

白鴨血 雄黃 瓦松 搗敷患處

火龍經上 九

萬年花汁 四時青汁 等分 併含木香煎汁同劉寄奴和  
為丸食之即解或以四時青汁灌下則血不封喉如急  
迫無藥即取生人髮煎湯飲之亦可以解

青烟方

硝火 貳兩 樺皮 貳兩 硫火 伍錢 杉灰 壹錢 青黛 壹錢

白烟方

硝火 壹兩 硫火 柒錢 杉灰 壹錢 鉛粉 肆分

紅烟方

硝火 壹兩 松香 貳兩 黃丹 壹兩 瀝青 捌分

紫烟方

硝火壹兩 硫火叁錢 杉灰壹錢 紫粉伍錢

黑烟方

硝火壹兩 硫火叁錢 杉灰叁錢 木煤叁錢 生皂角叁錢

此五烟方乃黑夜白日埋伏要地為號頭記總之法也

乾點燈方

硝火伍分 硫火壹兩 乾漆壹兩

研為末生漆為丸如皂角子大針刺壹孔穿鉄絲上每

點壹丸晝夜不滅

火龍經上

下

風前燭方

硝火壹兩 硫黃壹兩 乾漆壹兩 黑豆末貳兩 瀝青貳兩 黃

蠟貳兩

先溶瀝青成汁入药用舊青布色碾葯成條風中不滅

風雨不滅燈方

硝火壹兩 硫火伍錢 黃丹壹錢 樟腦伍錢 松香伍錢 夜合

花伍錢

共為細末將松香溶化和末作燭或作線任點於大風

甚雨之中不滅也

暗傳書方

巴豆 捌兩 白砒 肆兩 麻子 陸兩

為極細末和水寫字於白紙上或青藍布上乾則不見  
灰泥塗之明朗密書最妙礬水寫者宜紙不宜布猶有  
洩露也

製虎藥方

用烏頭數拾個石搗爛枯棕色如打油法榨去其汁約拾  
肆伍碗又用綿布袋濾淨以磁碗均盛天晴晒之夜收鍋  
內用柴燒烟燻之每日濾去沉底濁汁止留清汁以十晝

火龍經上

世

夜為度晒燻其汁如稀糖樣攪起有絲方可歇火將好之  
時用黃獠刺壹束燒烟燻之每藥壹斤加班猶叁拾個砒  
霜叁錢使其藥性毒烈製藥宜淨室收藥宜近火處不生  
白花方可久貯也

燻虎藥方

平地掘一坑磚砌土灶後開孔如溝樣高濶柒尺許烟從  
此入築圍高式尺如缸大將缸壹隻去底安於圍上缸口  
密覆勿令透氣缸中用木格將碗架上用糯糲糠同木和  
柴燒烟燻之勿令火焰恐火盛則無效夏日晒藥只宜長

已未三時恐太熱亦無效也他月不妨終日晒之

起火藥方

硝火 壹兩 硫火 叁錢 蜜陀僧 肆分 柳灰 叁錢 伍分

又方

硝火 壹兩 硫火 壹錢 柳灰 壹錢 伍分

辟穀絕食方

用大豆伍升蒸叁遍為末麻仁伍升水浸壹日晒叁遍糯米伍升白茯苓陸兩同糯米熬過又將麻仁末豆黃末攪入糯米茯苓內同蒸初更看火肆更歌火寅時出甑晒乾

火龍經上

三

為末如用以白滾湯調服以飽為度不得吃一切物用麻子汁下服一次一月不饑二次可耐四十日三次可耐六十日四次可耐半年且悅顏色增氣力渴飲麻子汁更妙待吃飲食時用葵菜子三合為末煎湯冷服兼食稀粥三日後諸般飲食照舊服之最忌慾事犯之立饑

治箭頭不出神方

用胎鼠叁隻燒灰存性為末敷瘡上刀割開肉深處見骨取出箭頭一毫不痛少覺麻癢後用白蠟壹兩酒化服隨即收口止痛外用合口散搽上三日全愈合口散即乳香

沒葯象皮三味也

又方

蠅螂同象牙為末少加乳香搽於瘡口其鏃自出

金鎗葯方

花蓋石 辰砂 金薄 天靈蓋 蟹爪 生象皮 乳

香 沒葯 土鱉蟲 珍珠 老松節 或竹節 絳香節

千年礦 即木灰用韭汁浸數日陰乾

用端午日或天月二德日天醫日將葯各等分合之效

極

火龍經上

又方

真降香節和老松脂不犯鉄器為極細末用之妙

又方

加舊毡帽油簷燒灰存性用五倍子經水布為末炒

金鎗血不止方

蕭黃 壹斤炒 當歸 叁兩炒 二味為末酒調服立止

煮衣方

狼毒菴苓管仲五靈脂天仙子草烏各等分為末入晉礬  
玖斤水壺桶煮袍壹件袴衣襪鞋壹副煮汁盡晒乾冬煖

夏涼避風利水

製物避火方

白砒拾兩 晉礬拾伍斤 麩拾叁斤 皮膠叁斤

右為糊刷器上則不惹火

墮水墻壓死方

生半夏為末吹鼻內即活

墮牛馬腹凝死血並鼻衄不止方

白花藕伍拾斤搗爛取汁飲之五七碗而愈此聖藥也

竹鳥銃藥方

火龍經上

苗

硝火叁斤 柳灰肆兩

研極細燒酒水各式碗炒乾用炒

凡置火葯避烟火製造忌用鉄石器

